

四庫全書

集部

欽定四庫全書

集部

唐詩品彙卷

六十六至
七十

詳校官檢討臣德生

助教臣常循覆勘

總校官進士臣朱鈐

校對官編修臣勵守謙

謄錄監生臣

臧意誠

欽定四庫全書

唐詩品彙卷六十六

明 高棅 編

五言律詩十一

接武

中之

李嘉祐

高仲武云嘉祐中興高流與錢郎別為一體
往往涉於齊梁綺靡婉麗吳均何遜之敵也

和張舍人中書寓直

漢主留才子春城直紫微對花閨闔靜過竹吏人稀裁
詔催添燭將朝欲更衣玉堂宜歲久且莫厭彤闈

和都官苗員外秋夜寓直對雨簡諸知己

多雨南宮夜仙郎寓直時漏長丹鳳闕秋冷白雲司螢
影侵堦亂鴻聲出苑遲蕭條人吏散小謝有新詩

留別毘陵諸公

久作潯陽令丹墀忽再還淒涼辭澤國離亂到鄉山北
固灘聲滿南徐草色閒知心從此別相憶鬢毛斑

送韋邕少府歸鍾山

祈門官罷後，負笈向桃源。
萬卷長開帙，千峯不閉門。
綠楊垂野渡，黃鳥傍山村。
念爾能高枕，丹墀會一論。

送岳州司馬第之任

岳陽天水外，念爾一帆過。
野墅人煙迥，山城鴈影多。
有時巫峽色，終日洞庭波。
丞相今為郡，應無勞者歌。

送上官侍御赴黔中

莫向黔中路，令人到欲迷。
水聲巫峽裏，山色夜郎西。
樹

隔朝雲合猿窺曉月啼南方饒翠羽知爾飲清溪

至七里灘作

遷客投于越臨江淚滿衣獨隨流水去轉覺故人稀萬
木迎秋序千峯駐晚暉行舟猶未已惆悵暮潮歸

仲夏江陰官舍寄裴明府

萬室邊江次孤城對海安朝霞晴作雨濕氣晚生寒苔
色侵衣桁潮痕上井欄題詩招茂宰思爾欲辭官

奉陪韋潤州過鶴林寺

野寺江城近雙旌五馬過禪心超忍辱梵語問多羅松
竹閒僧老雲煙晚日和寒塘歸路轉清磬隔微波

嚴維

酬劉員外見寄

蘇耽佐郡時近出白雲司藥補清羸疾牕吟絕妙詞柳
塘春水漫花塢夕陽遲

歐陽詩話云天容時態融和胎蕩如在目前

欲識懷

君意明朝訪檝師

酬王侍御西陵渡見寄

前年萬里別昨日一封書郢曲西陵渡秦官使者車柳
塘薰晝日花水溢春渠若不嫌雞黍先令掃弊廬

酬晉選二上人期相會見寄

本意宿東林因聽子賤琴遙知大小朗已斷去來心夜
靜溪聲近庭寒月色深寧知塵外意定後更成吟

送少微上人東南遊

舊遊多不見師在翟公門瘴海空山熱雷州白日昏片
心應為法萬里獨無人盡酌思去平生未感恩

宿法華寺

一夕雨沈沈
哀猿萬木陰
天龍來護法
長老密看心
魚梵空山靜
紗燈古殿深
無生久已學
白髮浪相侵

同韓員外宿雲門寺

小嶺路雖近
仙郎此夕過
潭空觀月定
澗靜見雲多
竹翠煙深鎖
松聲雨點和
萬緣俱不有
對境自垂蘿

奉和皇甫大夫夏日遊法華嚴寺

時大夫昆季同行

初地華嚴會
王家少長行
到官龍節駐
禮塔鴈行成
蓮

界千峰靜梅天一雨清禪庭未可戀聖主寄蒼生

九日陪崔郎中北山燕

上客南臺至重陽此會文菊芳寒露洗杯翠夕陽曛務
簡人同醉溪間鳥自羣府中官最小唯有孟參軍

荆溪館呈丘義興

失路荆溪上依仁忽暝投長橋今夜月陽羨古時州野
燒明山郭寒更出縣樓先生能館我無事五湖遊

秦系

山中贈張正則評事

終年常避喧師事五千言流水閒過院春風與閉門

茗溪

云閒遠有味

山客邀上客桂實落華軒莫強教余起微官不

足論

吳輦

白雲溪

山徑入脩篁深林蔽日光夏雲生嶂遠瀑水引溪長秀
跡逢皆勝清芬坐轉涼且看玉樽夕歸路賞前忘

衛葉

晚投南村

客行逢日暮原野散秋暉南陌人初斷
西林鳥盡歸暗
蓬沙上轉寒葉月中飛村落無多在
聲聲近擣衣

崔子向

送惟詳律師自越歸義興

陽羨諸峯頂何曾異剡山雨晴秋到寺
木落夜開關縫
衲紗燈亮看心杖錫聞西方知有社
未得與師還

劉方平

銅雀妓

遺令奉君王
顰蛾強一粧
歲移陵樹色
恩在舞衣香
玉座生秋氣
銅臺下夕陽
淚痕沾井幹
歌袖為誰長

梅花落

新歲芳梅樹
繁花四面同
春風吹漸落
一夜幾枝空
少婦今如此
長城恨不窮
莫將遼海雪
來比後庭中

淮上秋夜

旅夢何時盡征途望每賒晚秋淮水上新月楚人家猿
嘯空山近鴻飛極浦斜明朝南岸去定折桂枝花

秋夜汎舟

林塘夜汎舟蟲響荻颿颿萬影皆因月千聲各為秋歲
華空復晚鄉思不堪愁西北浮雲外伊川何處流

竇叔向

春日早朝應制

紫殿俯千官春松應合懽御爐香燄煖馳道玉聲寒乳

燕翻珠綴祥鳥集露盤宮花一萬樹不敢舉頭看

賦得秋砧送包大夫

斷續長門夜清冷逆旅秋征夫應待信寒女不勝愁帶
月飛城上因風散陌頭離居偏入聽况復送行舟

過檐石湖

曉發漁門戍晴看檐石湖日銜高浪出天入四空無咫尺
分洲島纖毫辨舳艫渺然從此去誰念客帆孤

貞懿皇后挽歌

後庭攀畫柳上陌咽清笳命婦羞蘋葉都人挿柰花壽

宮星月異仙路往來賒縱有迎神術終悲隔絳紗

洪容齋四

筆云竇氏連珠序云五竇之父叔向當代宗朝善五言詩名冠流輩時屬貞懿皇后山陵上注意哀挽叔向即時進三章內侍言出傳諸人口有命婦羞蘋葉都人挿柰花禁兵環素帶宮女哭寒雲之句可謂佳倡而畧無一存者余嘗得故吳良嗣家所抄唐詩僅有叔向六篇皆奇作念其不傳悉錄之即此三篇并哀挽二首及夏夜表兄宅話舊七言律者是也

韓翃

高仲武云韓詩匠意近於史興致繁富一篇一詠朝士傳之其比興深於劉員外筋力盛於皇

甫冉
也

酬程近秋夜即事見贈

長簟迎風早空城澹月華
星河秋一鴈砧杵夜千家
節候看應晚心期卧已賒
向來吟秀句不覺已鳴鴉

送元詵還江東

過江秋色在詩興與歸心
客路隨楓岸人家掃橘林
潮聲當晝起山翠近南深
幾日華陽洞寒花引獨尋

送壽川陳錄事

壽陽南渡口，斂笏見諸侯。
片雨楚雲暮，千家淮水秋。
開簾對芳草，送客上春洲。
請問山中桂，王孫幾度遊。

送崔遇歸淄青幕府

平陵車馬客，海上見旌旗。
舊驛千山下，殘花一路時。
春衣過水冷，暮雨出關遲。
莫道青州客，迢迢在夢思。

題蘇許公林亭

平津東閣在，別是竹林期。
萬葉秋聲裏，千山落照時。
門隨深巷靜，牕過遠鐘遲。
客舍苔生處，依依又賦詩。

題慈恩寺振上人房

披衣聞客至，闔鎖此時開。
鳴磬夕陽盡，捲簾秋色來。
名香連竹徑，清楚出花臺。
身在心無住，他方到幾回。

題薦福寺衡陽岳師房

春城乞食還，高論此中間。
僧臘階前樹，禪心江上山。
疎簾看雪捲，深戶映花關。
晚送門人去，鐘聲杳靄間。

華州夜宴庾侍御宅

世故他年別，心期此夜同。
千峯孤竹外，片雨一更中。
酒

客逢山簡詩人得謝公自憐驅匹馬拂曙向關東

送趙六司兵歸使幕

客路青蕪遍關城白日低身趨雙節近名共五侯齊遠
水公田上春山郡舍西無因得攜手東望轉悽悽

送李秀才歸江南

過淮芳草歇千里又東歸野水吳山出家林越鳥飛荷
香隨去棹梅雨濕行衣無數滄江客如君達者稀

送客遊江南

南使孤帆遠東風任意吹楚雲殊不斷江鳥暫相隨月
淨鴛鴦水春生荳蔻枝賞稱佳麗地君去莫應知

送故人歸魯

魯客多歸興居人悵別情雨餘衫袖冷風急馬蹄輕秋
草靈光殿寒雲曲阜城知君拜親後少婦下機迎

蔣渙

和徐侍郎中書叢篠韻

中禁夕沈沈幽篁別作林色連雞樹近影落鳳池深為

重凌霜節能虛應物心年年承雨露長對紫庭陰

奚賈

尋許山人亭子

桃源若遠近漁子棹輕舟川路行難盡人家到漸幽山禽拂席起溪水入庭流君是何年隱如今成白頭

朱放

經故賀賓客鏡湖道士觀

已得歸鄉里逍遙一外臣那隨逝水去不待鏡湖春雪

裏登山屐林間漉酒巾空留道士觀誰是學仙人

崔峒

高仲武云崔拾遺文彩炳然意思方雅如清磬
度山翠間雲來竹房又流水聲中視公事寒山
影裏見人家斯亦披沙鍊金往往見寶

題崇福寺禪師院

僧家竟何事掃地與焚香清磬度山翠間雲來竹房身
心塵外遠歲月坐中忘向晚禪堂掩無人空夕陽

送真上人歸山

得道雲林下年深暫一歸出山逢世亂乞食覺人稀半
偈初傳法中峯又掩扉愛離塵不染塵俗自依依

送陸明府之盱眙

陶令之官去離愁慘別魂白煙連海戍紅葉近淮村遠
浪搖山郭平蕪到縣門政成堪吏隱免負府公恩

送薛良友往越州謁從叔

辭家日已久與子分仍深易得思鄉淚難為送別心孤
雲隨浦口幾日到山陰遙想蘭亭下清風滿竹林

潤州送師弟自江夏往台州

遠客乘流去孤帆向夜開
春風江上使前日漢陽來別
路猶千里離心重一杯剡溪木未落羨爾過天台

登潤州芙蓉樓

上古人何在東流水不歸
往來潮有信朝暮事成非煙
樹臨沙靜雲帆入海稀
郡樓多逸興良牧謝玄暉

揚州選蒙相公賞判雪後呈上

自得山公許休畊海上田
漸看長史傳欲棄釣魚船
窮

巷殷憂日蕪城雨雪天此時瞻相府心事比旌懸

李泌

禁中送住山人

子去非長遠君恩取大還補天留采石縮地入青山獻
壽千秋外來朝數月間莫拋殘藥物竊欲駐童顏

包何

和苗員外寓直中書

朝列稱多士君家有二難貞為臺裏柏芳作省中蘭夜

直分曹間晨趁接武歡每憐雙闕下鴈序入鴛鴦

江上田家

近海川原薄人家本自稀黍苗期臘酒霜葉是寒衣市
井誰相識漁樵夜始歸不須騎馬問恐畏狎鷗飛

包佶

發襄陽後却寄公安人

揮涕送迴人將書報所親晚年多病疾中路有風塵王
粲頻徵楚君恩許入秦還同星火去馬上別江春

雙山遜信公所居

遙禮前朝塔微聞後夜鐘
人間第四祖雲裏一雙峯
積雪封苔徑多年亞石松
傳心不傳法誰可繼高踪

張繼

高仲武云員外累代詞伯積習箕裘其於爲文不
雕自飾及爾登第秀發當時詩體清迥有道者風
初出徽安門

洛陽天子縣金谷石家鄉
草色侵官道花枝出苑牆
書成休逐客賦罷遂爲郎
貧賤非吾事西遊當自強

曉次淮陽

微涼風葉下楚俗轉清閒
候館臨秋水郊扉掩暮山
月明潮漸滿露濕鴈初還
浮客了無定萍流淮海間

會稽秋晚奉呈于太守

寂寂訟庭幽森森戟戶秋
山光隱危堞湖色上高樓
禹穴探書罷天台作賦遊
浮雲將越客歲晚共淹留

春夜皇甫冉宅對酒

流落時相見悲歡共此情
興因樽酒洽愁為故人輕
亂

影花侵席斜暉月過城那知橫吹笛江外作邊聲

杜誦

高仲武云杜君詩調不失如流水生涯盡
浮雲世事空得生人始終之理故編之

哭長孫侍御

道為詩書重名因雅頌雄禮闈曾擢桂憲府舊乘驄流
水生涯盡浮雲世事空唯餘舊臺柏蕭颯九原中

于良史

高仲武云侍御詩清雅工於形似如風兼
殘雷起河帶斷水流吟之未終皎然在目

冬日野望

地際朝陽滿天邊宿霧收風蕪殘雪起河帶斷水流北
闕馳心極南圖尚旅遊登臨思不已何處可銷憂

宿藍田山口奉寄沈員外

山暝飛羣鳥川長汎四鄰煙歸河畔草月照渡頭人朋
友懷東道鄉關戀北辰去留無所適岐路獨迷津

閒居寄薛華

隱几讀黃老閒居耳目清僻居人事少多病道心生雨

洗山木濕鴉鳴池館晴晚來因廢卷行藥至西城

張南史

富陽南樓望浙江風起

南樓渚風起樹杪見滄波稍覺征帆上蕭蕭暮雨多沙洲殊未極雲水更相和欲問任公子垂綸意若何

宣城雪後還望郡中寄孟侍御

臘後年華變關西驛騎遙塞鴻連暮雪江柳動寒條山水還鄣郡圖書入漢朝高樓非別處故使百憂消

送朱文北遊

歲暮欲為別江湖聊自寬且無人事戀誰謂客行難郢
曲憐公子吳州憶伯鸞蒼蒼遠山際松柏獨宜寒

送司空十四遊宋州

九拒危城下蕭條送爾歸寒風聞畫角暮雪犯征衣道
里猶成間親朋重與違白雲愁欲斷看入大梁飛

奉酬李舍人秋日寓直見寄

秋日金華直遙知玉珮清九重門更肅五色詔初成槐

落宮中影鴻高苑外聲翻從魏闕下江海寄幽情

同韓侍御秋朝使院

重門啓曙闌一葉報秋還露井桐柯濕風庭鶴翅閒忘
情簪白筆假夢入青山惆悵祇應此難裁語默間

姚係

古別離

涼風已嫋嫋露重木蘭枝獨上高樓望行人遠不知輕
寒入洞戶明月滿秋池燕去鴻方至年年是別離

野居池上看月

悠然雲間月復此照池塘
泣露蒼茫濕沈波澹灩光
應門當未曙歌吹滿昭陽
遠近徒傷目清輝靄自長

顧況

洛陽早春

何地避春愁終年憶舊遊
一家千里外百舌五更頭
客路偏逢雨鄉山不入樓
故園桃李月伊水向東流

章八元

寄都官劉員外

舊宅平津邸槐陰接漢宮
鳴騶馳道上寒日直廬中
白雪歌偏麗青雲宦早通
悠然一綬掖千里限清風

鄭常

寄邢逸人

羨君無外事日與世情違
地僻人難到溪深鳥自飛
儒衣荷葉老野飯藥苗肥
若問湖邊意而今憶共歸

高仲武云

有丘園之趣

送頭陀赴廬山寺

僧家無住著早晚出東林得道非真相頭陀是苦心持
齋山果熟倚錫野雲深溪事誰相待香花與梵音

謫居漢陽白沙口阻雨因題驛亭

漢陽無遠近見說過湓城雲雨經春客江山幾日程終
隨鷗鳥去祇待海潮生前路逢漁父多愁問姓名

唐詩品彙卷六十六

欽定四庫全書

唐詩品彙卷六十七

明 高棅 編

五言律詩十二

接武

下

戎昱

採蓮曲

雖聽採蓮曲
詎識採蓮心
漾櫂愛花遠
回船愁浪深
煙

生極浦色日落半江陰同侶憐波靜看粧墮玉簪

雲夢故城秋望

故國遺墟在登臨想舊遊一朝人事變千載水空流夢
渚鴻聲晚荆門樹色秋片雲凝不散遙想望鄉愁

桂州臘夜

坐到三更盡歸仍萬里賒雪聲偏傍竹寒夢不離家曉
角分殘漏孤燈落碎花二年隨驃騎辛苦向天涯

題招提寺

招提精舍好石壁向江開山影水中盡鳥聲天上來一
燈傳歲月深院長莓苔日暮雙林磬冷冷送客回

秋夜梁十三廳事

今來秋已暮還恐未成歸夢裏家仍遠愁中葉又飛竹
聲風度急燈影月來微得見梁夫子心源有所依

聞笛

入夜思歸切笛聲寒更哀愁人不願聽自到枕邊來風
起塞雲斷夜深關月開平明獨惆悵落盡一庭梅

李益

春行

侍臣朝謁罷威里自相過落日青絲騎春風白紵歌恩
從三殿近獵向五陵多歸路南橋望垂楊拂細波

送同落第東歸

東門有行客落日滿前山聖代誰知者滄洲今獨還片
雲歸海暮流水背城閒余亦依嵩潁松花深閉關

喜見外弟又言別

十年離亂後長大一相逢
問姓驚初見稱名憶舊容
別來滄海事語罷暮天鐘
明日巴陵道秋山又幾重

同蕭鍊師宿太乙廟

微月空山曙春祠謁少君
落花壇上拂流水洞中聞
酒引芝童奠香餘桂子焚
鶴飛將羽節遙向赤城分

尋紀道士偶會諸叟

山陰尋道士映竹羽衣新
侍坐雙童子陪遊五老人
水花松下靜壇草雪中春
見說桃源洞如今猶避秦

洛陽河亭奉酬留守羣公追送

離亭餞落暉
臘酒減征衣
歲晚煙霞重
川寒雲樹微
戎裝千里至
舊路十年歸
還似汀洲鴈
相逢又背飛

張衆父

高仲武云衆父詩婉嫻綺錯巧
用文字工於興喻文流佳士也

送李司直使吳

得家花斜沙
字依次用

使君方擁傳
王事遠辭家
震澤遙殘雪
新豐遇落花
水萍千葉散
風柳萬條斜
何處看離恨
春江無限沙

送李觀之宣州謁袁中丞賦得三洲渡

古渡大江濱西南詎要津
自當舟楫路應濟往來人
翻浪驚飛鳥回風起綠蘋
君看波上客歲晚獨垂綸

寄興園池鶴上劉相公

馴狎經時久襍褫短翮存
不隨淮海變空愧稻粱恩
獨立秋天靜單栖夕露繁
欲飛還斂翼詎敢望乘軒

冷朝陽

送遠上人歸京

夏臘歲方深思歸徹曙吟未離銷雪院已有過雲心寒
磬清函谷孤鐘宿華陰別京遊舊寺月色似雙林

薛存誠

暮春日南臺承再除給事中

仍是本廳几
榻杖履如舊

再入青瑣闈忝官誠自非拂塵驚物在開戶待僧歸積
草漸無逕殘花猶灑衣禁庭偏日近行坐是恩輝

于鵠

出塞二首

葱嶺秋塵起，全軍取月支。
山川引行陣，蕃漢列旌旗。
轉戰疲兵少，孤城外救遲。
邊人聖明代，不見偃戈時。
單于驕愛獵，放火到軍城。
待月調新馬，防秋置遠營。
空山朱戟影，寒磧鐵衣聲。
逢著降胡說，沙陰有伏兵。

宿太守李公宅

郡齋常夜掃，不卧獨吟詩。
把燭迎幽客，升堂戴接羅。
微風吹凍葉，殘雪落寒枝。
明日逢山伴，須令隱者知。

宿王尊師居

夜愛雲林好寒天月裏行青牛眠樹影白犬吠猿聲一
磬山院靜千燈溪路明從來此峯客幾箇得長生

送客臨邊

英華作送張
司直往單于

若到并州去誰人不憶家塞深無伴侶路盡只平沙磧
冷唯遼鴈天青不見花莫隨征將意垂老事輕車

姚倫

高仲武云姚子詩雖未弘深去凡已遠屬辭比
事不失文流如亂聲千葉下寒影一巢孤篇什
之秀也

感秋林

試向東林望方悲節候殊亂聲千葉下寒影一巢孤不
蔽秋天鴈驚飛夜月烏霜風與春日幾度遣榮枯

朱灣

九日登青山

昔人惆悵地繫馬又登臨舊處煙霞在多時草木深水
將天一色雲與我無心想見龍山會良辰亦似今

楊憑

晚宿江戍

旅棹依遙戍，清湘急晚流。
若為南浦宿，逢此北風秋。
雲月孤鴻晚，關山幾路愁。
年年不得意，零落對滄洲。

戴叔倫

除夜宿石頭驛

旅館誰相問，寒燈獨可親。
一年將盡夜，萬里未歸人。
寥落悲前事，支離笑此身。
愁顏與衰鬢，明日又逢春。

客舍秋懷呈駱正字士則

無言堪自喻偶坐更相悲木落驚年長門閒惜草衰買
山猶未得諫獵又非時

劉須溪云五字甚怨而不傷

設被浮名繫歸

休慚欲遲

秋夜

遙夜獨不寐寂寥庭戶中河明五陵上月滿九門東萬
里交親散故園江海空懷歸正南望此日起秋風

潘處士宅會別

相邀寒景晚惜別故山空鄰里疎林在池塘野水通十

年多難後一醉幾人同復此悲行子蕭蕭逐轉蓬

別董校書

擾擾倦行役相逢陳蔡間如何百年內不見一人間對
酒惜餘景問程愁亂山秋風萬里道又出穆陵關

送友人東歸

英華作遠
許評事

萬里楊柳色出關送故人輕煙拂流水落日照行塵積
夢江湖遠憶家兄弟貧徘徊灞亭上不語自傷春

江鄉故人偶集客舍

天秋月又滿城闕夜千重還作江南會翻疑夢裏逢風
枝驚暗鵲露草覆寒蟲羈旅長堪醉相留畏曉鐘

漢南遇方評事

移家住漢陰不復問華簪賞酒宜城近燒田夢澤深暮
山逢鳥入寒水見魚沈與物皆無累終年愜本心

京口逢皇甫司馬副端

潮水忽復至雲帆儼欲飛故園雙闕下佐宦十年歸晚
景照華髮涼風吹別衣淹留更一醉老去莫相違

送友生言懷

安親非避地羈旅十餘年
道長時流許家貧故舊憐
相逢今歲暮遠別一方偏
去住俱難說江湖正渺然

長沙北亭送梁副端歸京

奏書歸闕下祖帳出湘東
滿座他鄉別何年此會同
藉芳憐岸草聞笛怨江風
且莫乘流去心期在醉中

廣陵送趙主簿自蜀歸

將歸汾水上遠省錦城來
已汎西江盡仍隨北鴈迴
暮

雲征馬速曉月故闌開漸向庭闌近留君醉一杯

贈韋評事儼

與道共浮沈人間歲月深是非園吏夢憂喜塞翁心
細草誰開逕芳條自結陰由來居物外無事可抽簪

過柳州

地盡江南戍山分桂北林火雲三月合石路九疑深
暗谷隨風過危橋共鳥尋羈魂已愁絕不復待猿吟

過申州

萬人曾戰死幾處見休兵
井邑初安堵兒童未長成
涼風吹古木野火入殘營
牢落千餘里山空水復清

次下牢韻

獨立荒庭上蕭蕭對晚風
天高吳塞濶日落楚山空
猿呌三聲斷江流一水通
前程千萬里一夕宿巴東

早行寄朱山人放

山曉旅人去天高秋氣悲
明河川上沒芳草露中衰
此別又萬里少年能幾時
心知剡溪路聊且寄前期

楊巨源

從太和公主和蕃

從疑作送

北路古來難年光獨認寒朔雲侵鬢起邊月向眉殘蘆井尋沙到花門度磧看薰風一萬里來處是長安

送供奉定法師歸安南

故鄉南越外萬里碧雲峯經論辭天去香花入海遶鷺濤清梵徹蜃閣化城重心到長安陌交州後夜鐘

登寧州城樓

宋玉本悲秋今朝更上樓清波城下去此意重悠悠晚
菊臨杯思寒山滿郡愁故關非內地一為漢家羞

長城聞笛

孤城笛滿林斷續共霜砧夜月降羌淚秋風老將心靜
過寒壘遍暗入故園深惆悵梅花落山川不可尋

秋日韋少府廳池上詠石

主人得幽石日覺公堂清一片池上色孤峯雲物情舊
溪紅蘚在秋水綠痕生何必澄湖徹移來有令名

令狐楚

秋懷寄錢侍郎

晚歲俱為郡
新秋各異鄉
燕鴻一驚叫
郢樹盡青蒼
山露侵衣潤
江風捲簾涼
相思如漢水
日夜向潯陽

權德輿

送王鍊師赴王屋洞

稔歲在芝田
歸程入洞天
白雲辭上國
青鳥會羣仙
自有棋消日
寧資藥駐年
相看話離別
風馭忽泠然

欽定四庫全書

唐詩品彙
卷六十七

士

羊士諤

林塘鴈候

南國冰霜冷年華已暗歸閒招別館客遠念故山薇野
艇虛還過歸禽倦更飛忘言亦何事酣賞步清輝

韓愈

祖席得秋字

淮南悲木落而我亦傷秋况與故人別那堪羈宦愁榮
華今異路風雨昔同憂莫以宜春遠江山多勝遊

柳宗元

酬徐二中丞普寧郡內池館即事見寄

鵷鴻念舊行
虛館對荒塘
落日明朱檻
繁花照羽觴
泉歸滄海近
樹入楚山長
榮賤俱為累
相期在故鄉

梅雨

梅實迎時雨
蒼茫值晚春
愁深楚猿夜
夢斷越雞晨
海霧連南極
江雲暗北津
素衣今盡化
非為帝京塵

陳羽

湘妃怨

舜欲省蠻陬南巡非逸遊九山沈白日二女泣滄洲目
極楚雲斷恨深湘水流至今聞鼓瑟咽絕不勝愁

李約

從軍行

候火起雕城塵沙擁戰聲遊軍藏漢幟降虜說番情霜
落泥池淺秋深太白明嫖姚方虎視不學請添兵

呂溫

道州秋夜南樓

誰憐獨坐愁
此夜更南樓
雲去舜祠閑
月明湘水流
猿聲何處曉
楓葉滿山秋
不照匣中鏡
少年看白頭

劉禹錫

松江送處州奚使君

吳越古今路
滄波朝夕流
從來離別地
能使管絃愁
江草帶煙暮
海雲含雨秋
知君五陵客
不樂石門遊

令狐相公頻示新什早春南望遙想漢中因杼

短章以寄誠素

軍城臨漢水旌旆起春風
遠思見江草歸心看塞鴻
野花沿古道新葉映行宮
唯有詩兼酒朝朝兩不同

秋日過鴻舉法師寺送歸江渡

看盡長廊畫尋僧一逕幽
小池蕙鶴淨古木帶蟬秋
客至茶煙起禽歸講席收
浮杯明日去相望水悠悠

鶴歎

白樂天於吳郡得雙鶴難以歸與余相遇
楊子津閱玩終日今年樂天為秘監不以

鶴隨置之洛陽第一旦余入其門鶴軒
然來晚如記相識乃作鶴歎以贈樂天

寂寞一雙鶴主人在西京故巢吳苑樹深院洛陽城徐
引竹間步遠含雲外情誰憐好風月鄰舍夜吹笙

張籍

望行人

秋風牕下起旅鴈向南飛日日出門望家家行客歸無
因見邊使空待寄寒衣獨倚青樓暮煙深鳥雀稀

薊北旅思

日日望鄉國空歌白紵詞長因送人處憶得別家時

劉須

漢云晚唐更千首不及兩語無緊無要自是沈著

失意還獨語多愁祇自知客

亭門外柳折盡向南枝

方虛谷云此司業集中第一首詩三四真佳句

思遠人

野橋春水清橋上送君行去去人應老年年草自生出
門看遠道無信向邊城楊柳別離處秋蟬今復鳴

襄陽別友

曉夜荒城下相看秋草時獨遊無定計不欲道來期別
處去家遠愁中驅馬遲歸人渡煙水遙映野棠枝

送戴從玄往蘇州

楊柳閭門路悠悠
水岸斜乘舟向山寺
著屐到漁家夜
月紅柑樹秋風白藕花
江天詩景好回日莫令賒

宿江店

野店臨江浦門前有橘花
停燈待賈客賣酒與漁家
夜靜江水白路迴山月斜
劉云自然好聞尋泊舟處
潮落見平沙

夜到漁家

漁家在江口潮水入柴扉
行客欲投宿主人猶未歸
劉云

難得語意
自在如此
竹深村路遠
月出釣船稀
遙見尋沙岸
春風動草衣

宿臨江驛

楚驛南渡口
夜深來客稀
月明見潮上
江靜覺鷗飛

劉云

五字
旅宿今已遠
此行殊未歸
離家久無信
又聽擣寒衣

王建

邊上送故人

百戰一身在
相逢白髮生
何時得家信
每日算歸程
走

馬登寒隴驅羊入廢城羌歌三兩曲人醉海西營

汴路即事

千里河煙直青楓夾岸長天涯同此路人語各殊芳草
市迎江貨津橋稅海商回看故宮柳憔悴不成行

李德裕

望伊川

春暮思平泉莊新詠之作元二十首今存四首

遠村寒食後細雨度川來芳草連溪合梨花映野開
籬懸落照松逕長新苔向夕亭臯望遊禽幾處回

書樓晴望

幽居人世外久厭市朝喧
蒼翠連雙闕微茫辨九原
殘紅映翠樹斜日照輾轅
薄暮柴扉掩誰知仲蔚園

瀑泉

向老多悲恨悽然念一丘
巖泉終古在風月幾年遊
菌閣饒佳樹菱潭有釣舟
不如羊叔子名與峴山留

東溪

近蓄東溪水悠悠起白波
綠駕流不散芳草日應多
夾

岸生奇篠綠巖覆女蘿蘭
繞思無限為感濯纓歌

顧非熊

桃巖憶賈島

英華作姚巖寺路懷友
路向桃巖去作姚巖寺

路向桃巖去多行洞壑間
鶴聲兼野靜溪色帶村閒
疎葦秋前渚斜陽雨後山
憐君不得見詩思最相關

白居易

草

詩語云居易初應舉名未報以詩投顧況
況上戲之曰長安物貴居大不易及讀離離原上

草一詩即云有句如此居
亦何難老夫前言戲之耳

離離原上草一歲一枯榮
野火燒不盡春風吹又生
遠芳侵古道晴翠接荒城
又送王孫去萋萋滿別情

張祐

金山寺

一宿金山寺微茫水國分
僧歸夜船月龍出曉堂雲
樹影中流見鐘聲兩岸聞
因悲在城市終日醉醺醺

題萬道人禪房

何處聞禪壁西南江上峯
殘陽過遠水落葉滿疎鐘
世

事靜中去道心塵外逢欲知情不動牀下虎留蹤

寄靈徹上人

老僧何處寺秋夢遶江濱獨樹月中鶴孤舟雲外人榮
華長指幻衰病久觀身應笑無成者滄洲垂一綸

贈志凝上人

悟色身無染觀空事不生道心長日笑覺路幾年行片
月山房靜孤雲海棹輕願為塵外契一就智珠明

溪行寄道侶

白日長多事清溪偶獨尋雲歸秋水澗月出夜山深坐想天涯去行悲澤畔吟東郊故人在應笑未抽簪

題松汀驛

山色遠含空蒼茫驛國東海明先見日江白迥聞風鳥道高原去人煙小逕通那知舊遺逸不在五湖中

題樟亭

曉霽憑虛檻雲山四望通地盤江岸絕天映海門空樹色連秋靄潮聲入夜風年年此光景催盡白頭翁

晚夏歸別業

古岸偏舟晚荒園一逕微
鳥啼新果熟花落故人稀
宿潤侵苔甃斜陽照竹扉
相逢盡鄉老無復話時機

鄭丹

肅宗挽歌

共二十首
止錄其一

國以重明受天從諒闇移諸侯
方北面白日忽西馳
龍影當泉落鴻名向廟垂
永言青史上還是載無為

唐詩品彙卷六十七

欽定四庫全書

唐詩品彙卷六十八

明 高棟 編

五言律詩十三

正變

賈島

憶江上吳處士

方虛谷云此變體也
聚會雷雨對更有力

閩國揚帆去蟾蜍缺復團秋風吹渭水落葉滿長安

唐音

撫言云島嘗騎驢天衢時秋風正厲黃葉可掃島忽吟
曰落葉滿長安卒求一聯未得因唐突京尹劉栖楚被
繫一夕而釋此與韓愈推敲事又別未深考此地聚會夕當時雷雨寒蘭橈
殊未返消息海雲端

旅遊

此心非一事書札若為傳舊國別多日故人無少年
劉須谿云短語不可復道空巢霜葉落踈牖水螢穿留得林僧宿中宵

坐默然
方云三四語奇五六言蕭索之味

送朱可久歸越中

石頭城下泊北固暝鐘初汀鷺衝潮起船牕過月虛

方云

善言泊舟之趣

吳山侵越衆隋柳入唐疎日欲躬調膳辟來何

府書

題李凝幽居

閒居少鄰並草逕入荒園鳥宿池邊

一作中

樹僧敲月下

門過橋分野色移石動雲根暫去還來此幽期不負言

劉云敲意妙絕下意更好結又老成

暮過山村

數里聞寒水山家少四鄰怪禽啼曠野落日恐行人

陽

詩話云道路辛苦羈愁旅思豈不見於言外者乎

初月未終夕邊烽不過秦蕭

條桑柘外煙火漸相親

宿山寺

衆岫聳寒色精廬向此分流星透疎木走月逆行雲絕頂人來少高松鶴不羣一僧年八十世事未曾聞

山中道士

頭髮梳千下休糧帶瘦容養雛成大鶴種子作高松

劉云

又癡又嫩癡白石通宵煮寒泉盡日春不曾離隱處那
可笑嫩可惜
得世人逢

答王秘書

人皆聞蟋蟀我獨恨蹉跎白髮無心鑷青山去意多信
來樟浦岸期負洞庭波時掃高槐影朝回忽恐過

宿孤館

落日投村戍愁生為客途春山晴後綠江月夜深孤橘
樹千株在漁家一半無自知風水靜舟繫岸邊蘆

思遊邊友人

凝愁對孤燭昨日飲離杯
葉下故人去天中新鴈來
連沙秋草薄帶雪暮山開
苑北紅塵道何時見遠回

秋暮寄友人

寥落關河暮霜風樹葉低
遠天垂地外寒日下山西
有
志煙霞切無家歲月迷
清宵話白閣已負數年棲

送僧歸天台

辭秦經越過歸寺海西峯
石澗雙流水山門九里松
曾

聞清禁漏却憶赤城鐘妙字研磨講應齋智者蹤

送知興上人

久住巴興寺如今始拂衣欲臨秋水別不向故山歸
錫挂天涯樹房閒嶽頂扉下看萬里曉霜海日生微

憶吳處士

半夜長安雨燈前越客吟孤舟行一月萬水與千岑
島嶼夏雲起汀洲芳草深何當折松葉拂石剡溪陰

宿姚少府北齋

石溪同夜汎復此北齋期鳥絕吏歸後蛩鳴客卧時鏐
城涼雨細開印曙鐘遲憶此漳川岸如今是別離

泥陽館

客愁何併起暮送故人迴廢館秋螢出空城寒雨來夕
陽飄白露樹影掃青苔

方云詩思甚幽

獨坐離容慘孤燈照不開

送惟一遊清涼寺

去有巡臺侶荒溪衆樹分瓶殘秦地水錫入晉山雲秋
月離喧見寒泉出定聞人間臨欲別旬日雨紛紛

宿慈恩寺郁公房

病身來寄宿自掃一牀閒
返照臨江磬新秋過雨山
竹陰移冷月荷氣帶禪關
獨往天台意方從內請還

石門陂留醉從叔譽

幽鳥飛不遠我行千里間
寒衝陂水路醉下菊花山
有恥長為客無成又入關
何時臨澗柳吾黨共來攀

姚合

春日早朝寄劉起居

九衢寒霧斂雙闕曙光分彩仗迎春日香煙接瑞雲珮
聲清漏聞天語待臣聞

劉須溪云自在

莫笑馮唐老還來謁聖君

寄友人

日暮掩重扉抽簪復解衣漏聲林下靜螢色月中微秋
霽露華結夜凉人語稀殷勤故山路誰與我同歸

郡中西園

西園春欲盡芳草徑難分靜語唯幽鳥閒眠獨使君密
林生雨意

劉云好

古石帶苔文雖去清秋遠朝朝見白雲

武功縣中作

日出方能起庭前看種莎
吏來山鳥散酒熟野人過
岐路荒城少煙霞遠縣多
同官數相見下馬上西坡

過靈泉寺

偶尋靈跡去幽徑入氤氲
氛轉壑驚飛鳥穿山踏亂
雲水從巖上落溪向寺前
分釋子遊何處空堂日漸
曛

喜馬戴冬夜見過期無可上人不至

內殿臣相命開樽話舊時
夜鐘催鳥絕積雪阻僧期
林

靜寒聲遠天陰曙色遲今宵復何夕鳴珮坐難隨

秋夜月中登天壇

秋蟾流異彩齋潔上壇行天近星辰大山深世界清仙
飈石上起海日夜中明何計長來此閒眠過一生

許渾

劉後村云杜牧許渾同時然各為體牧於律中
常遇少拗峭以矯時弊渾則不然而律切麗密
或過杜牧而抑
揚頓挫不及也

秋日赴闕題潼關驛樓

紅葉晚蕭蕭長亭酒一瓢殘雲歸太華疎雨過中條樹
色隨關迥河聲入海遙帝鄉明日到猶自夢漁樵

泊松江渡

漠漠故宮地月涼風露幽雞鳴荒戍曉鴈過古城秋楊
柳北歸路蒹葭南渡舟去鄉今已遠更上望京樓

南樓春望

南樓春一望雲水共昏昏野店歸山路危橋帶郭村晴
煙和草色夜雨長溪痕下岸誰家住殘陽半掩門

嚴陵釣臺泊貽行侶

故人天下定歸釣，碧巖幽舊跡隨苔古。
高名寄水流鳥喧，羣木晚蟬急衆山秋。
更待新安月，憑君暫駐舟。

送南陵李少府

高人亦未閒，來往楚雲間。
劍在心應壯，書窮鬢已斑。
落帆秋水寺，驅馬夕陽山。
明日南昌尉，空齋又掩關。

晚泊七里灘

天晚日沈沈，孤舟繫柳陰。
江村平見寺，山郭遠聞砧。
樹

密猿聲響波澄鴈影深榮華暫時事誰識子陵心

長安旅夜

久客怨長夜西風吹鴈聲雲移河漢淺月汎露華清掩
瑟獨凝思緩歌空寄情門前有歸路迢遞洛陽城

孤鴈

昔年雙頰頽池上靄春暉霄漢力猶怯稻粱心已違蘆
洲寒獨宿榆塞夜孤飛不及營巢燕西風相伴歸

寄契盈上人

何處是西林疎鐘復遠砧鴈來秋水濶鴉盡夕陽沈
嫁非前志功名異夙心湯師不可問江上碧雲深

洛中秋日

故國無歸處官閒憶遠遊吳僧秣陵寺楚客洞庭舟
久病先知雨長貧早覺秋壯心能幾許伊水更東流

送段覺歸杜曲閒居

書劍南歸去山扉別幾年苔侵巖下路果落洞庭泉
紅葉高齊雨青蘿曲檻煙寧知遠遊客羸馬太行前

早秋

遙夜汎清瑟西風生翠蘿殘螢栖玉露早鴈拂金河
高樹曉還密遠山晴更多淮南一葉下自覺洞庭波

晚發天井關寄李師晦

山在水滔滔流年欲二毛湘潭歸夢遠燕趙客程勞
露曉紅蘭重雲晴碧樹高逢秋正多感萬里別同袍

將赴京師蒜山津送客還荆渚

樽前萬里愁楚塞與皇州雲識瀟湘雨風知鄆杜秋潮

平猶倚棹月上更登樓他日滄浪水漁歌對白鷗

潼關蘭若

來往幾經過前軒枕大河遠帆春水濶高寺夕陽多蝶
影下紅藥鳥聲喧綠蘿故山歸未得徒詠采芝歌

陪赴中使院諸公鏡波館餞明台裴鄭二使君
傾幙來華館淹留二使君舞移清夜月歌斷碧空雲海
郡樓臺接江船劍戟分明時自騫翥無復歎離羣

題岫上人院

病客與僧閒頻來不掩關
高牕雲外樹疎磬雨中山
離索秋蟲響登臨夕鳥還
心知落帆處明月浙河灣

秋晚登城

城高不可下永日一登臨
曲檻涼飈急空樓返照深
葦花迷夕棹梧葉散秋砧
謾作歸田賦蹉跎歲欲陰

送客歸蘭溪

花下送歸客路長應過秋
暮隨江鳥宿寒共嶺猿愁
衆水喧巖瀨羣峯抱沈樓
因君幾南望曾向北中遊

送僧歸金山寺

老歸江上寺，不忘舊師恩。
駐錫遙山色，停杯見浪痕。
秋濤吞楚驛，曉月上荆門。
為訪題詩處，莓苔幾字存。

憶長洲

香逕小船通，菱歌遶故宮。
魚沈秋水靜，鳥宿暮山空。
荷葉橋邊雨，蘆花海上風。
歸心無處託，高枕畫屏中。

松江懷古

故國今何在，扁舟竟不歸。
雲移山漠漠，江濶樹依依。
晚

色千帆落秋聲一鴈飛此時兼送客凭檻欲沾衣

征西舊卒

少年乘勇氣百戰過烏孫力盡邊城難功加上將恩曉
風聽戍角殘月倚營門自說輕生處金瘡有舊痕

李商隱

河清與趙氏昆季燕集

勝槩殊江右佳名逼渭川虹收青嶂雨鳥沒夕陽天客
鬢行如此滄江坐渺然此中真得地漂蕩釣魚船

少將

族亞齊安陸風高漢武威煙波別墅醉花月後門歸青
海聞傳箭天山報合圍一朝攜劍起馬上疾如飛

寒食行次冷泉驛

歸途仍近節旅宿倍思家獨夜三更月空庭一樹花介
山當驛秀汾水遶關斜自怯春寒苦那堪禁火賒

陳後主

玄武開新苑龍舟燕幸頻渚蓮參法駕沙鳥犯鈎陳壽

獻金莖露歌翻玉樹塵夜來江令醉別詔宿臨春

迎寄韓魯州詹同年

積雨晚騷騷相思正鬱陶不知人萬里時有燕雙高冠
盜纏三輔莓苔滑百牢聖朝推衛霍歸日動仙曹

獻寄舊府開封公

幕府三年遠春秋一字褒書論秦逐客賦續楚離騷地
里南溟濶天文北極高酬恩撫身世未覺勝鴻毛

李頻

送人遊吳

楚田開霽後草色與君看
積水浮春氣深山滯雨寒
毘陵孤月出建業一鐘殘
為把鄉書去因收別淚難

送徐處士歸江南

行行野雲薄寒氣日通春
故國入芳草滄江終白身
遊歸花落滿睡起鳥啼新
莫惜閒書札西來問旅人

漢上送人西歸

幾作西歸夢因為惜別心
野銜天去盡山夾漢來深
疊

浪翻殘照高帆引片陰空留相贈句畢我白頭吟

送許渾侍御歸潤州

家山近石頭遂意恣東遊祖席離烏府歸帆轉蜃樓陰
氛出海散落月向潮流別有為霖日孤雲未自由

送王侍御赴湖南

關門鳥道中飛傳復乘驄暮雪離秦甸春雲入楚宮平
蕪天共濶積水地多空使府懸帆去能消幾日風

送友人遊蜀

東堂雖不捷西去復何愁蜀馬知歸路巴山似舊遊星
臨劍閣動花落錦江流鼓吹青林下時聞祭武侯

春日南遊寄浙東許同年

孤帆處處宿不問是誰家南國平蕪遠東風細雨斜旅
懷多寄酒寒意欲留花更想前途去茫茫滄海涯

陝下懷歸

故園何處在零落五湖東日暮無來客天寒有去鴻大
河水徹塞高嶽雪連空獨夜懸歸思迢迢永漏中

秦原早望

一忝鄉書薦長安未得回年光逐渭水春色上秦臺燕
掠平蕪去人衝細雨來東風生故里又過幾花開

方虛谷云

其思優游而不深怨可恥

八月峽口作

萬里西南水秋來滿峽流亂山無陸路行客在孤舟洶
洶灘聲惡冥冥樹色秋免為三不弔終白一生頭

黔中罷職汎江東

黔中初罷職薄俸亦無殘舉目鄉關遠攜家旅食難野
梅將雪競江月與沙寒兩鬢愁應白何勞把劍看

送人往塞北

上馬問雲中長川送北風日西身獨去山轉別無窮樹
隔高關斷沙連大漠空君看河外將早晚合平戎

送清上人歸上林

風濤幾千里歸路半乘舟此地難相別何人更共留坐
經嵩頂夏行值洛陽秋到寺安禪夕江雲過石樓

馬戴

嚴滄浪云馬戴詩
在晚唐諸人之上

關山曲

火發龍山北中宵易左賢
勒兵臨漢水驚鴈散胡天
木落防河急軍孤受敵偏
猶聞漢皇怒按劍待開邊

夜入湘中

洞庭人夜到孤棹入湘中
露洗寒山遍波搖楚月空
密林飛暗狖廣澤發鳴鴻
行抵揚帆者江分又不同

落日悵望

孤雲與歸鳥千里片時間念我何留滯辭家久未還微
陽下喬木遠色隱秋山

一作遠燒
入秋山

臨水不敢照恐驚平

昔顏

早發故園

語別在中夜登車離故鄉曙鐘寒出岳殘月迴凝霜風
柳條多折沙雲氣轉黃行逢海西鴈零落不成行

送人遊蜀

擬卜何山隱高秋指岳陽
葦乾雲夢色橘熟洞庭香
疎雨殘虹影回雲背鳥行
靈均如可問一為哭清湘

送僧歸金山寺

金陵江色裏蟬急向秋分
迴寺橫洲島歸僧渡水雲
夕陽依岸盡清磬隔潮聞
遙想禪林下鑪香對月焚

寄終南真空禪師

閒想白雲外了然清淨僧
松門山半寺雨夜佛前燈
此境可長住浮生自不能
一從林下別瀑布幾成冰

題靜住寺欽用上人房

寺近朝天路多聞玉珮音
鑒人開慧眼歸鳥息禪心
磬接星河曙牕連夏木深
此中能宴坐何必在雲林

宿陽臺觀

玉洞仙何在鑪香客自焚
醺壇圍古木石磬響寒雲
曙月孤霞映懸派峭壁分
心知人世隔坐與鶴為羣

灞上秋居

灞原風雨定晚見鴈行頻
落葉他鄉樹寒燈獨夜空

園白露滴孤壁野僧鄰寄卧郊扉久何年致此身

尋賈島原東居

寒鴈過原急渚邊秋色深煙霞向海島風雨宿園林俱

住明時願同懷故國心

集作共許貧文
久猶嫌外事侵

未能先隱跡聊

此一相尋

洛陽寒夜姚侍御宅憶賈島

夜樹動寒色洛陽城闕深如何異鄉思更抱故人心殘

月關山遠閒堦霜霧侵誰知石門路待子與相尋

宿崔邵池陽別墅

楊柳色已故郊原日復低煙生寒渚上霞散遠山西待
月人相對驚風鴈不齊此心君莫問舊國去將迷

答廊時友人同宿見示

為客自堪悲風塵日滿衣承明無計入舊隱但懷歸雪
積孤城暗燈殘曉角微相逢喜同宿此地故人稀

江行

吳楚半秋色渡江逢葦花雲侵帆影落風逼鴈行斜返

照開嵐翠寒潮漾浦沙自將何所往海嶠欲營家

早發故山作

雲門夾峭石石路蔭長松谷響猿相應山深水復重
食霞人不見采藥客猶逢獨宿靈潭側時聞岳頂鐘

唐詩品彙卷六十八